



Clemens in Saxonia illustribus parentibus natus, atq; in optimis literis & disciplinis institutus fuit, Suidegerus dictus. Sicq; factū ut uirtutibus conspicuus, secūdus antistes Bambergensis creatus sit. Officium uerò illud tanta animi moderatione gessit, ut ab omnibus unice diligeretur. Eo autem tempore nimirum anno millesimo quadragesimo quinto maximæ turbæ pontificum discordia Romæ erant ortæ, idq; ob tria scelestissima monstra, ut Platina in Gregorio sexto uocat. Nam Benedictus nonus, Syluester tertius, & Georgius sextus Romæ pontificatum mercabantur, uendebant, & diuidebant. Hinc factum ut quisq;

eorum ambitione & luxu corruptus omnia scelera impune exerceret. Vnde Henricus Cæsar eius nominis tertius Ecclesiasticam dignitatem compositurus ingentibus copijs Romam profectus, atque urbem obsidione cinxit. Romani itaque metu perculsi sese dedidēre. Henricus ergo ualido exercitu urbem ingressus, conuocatis undique episcopis & prælatiſ synodum magna frequentia celebrat. In ea deterrima illa tria monstra sese Romana deponuntur, atque consentiente Cæsare Suidegerus ille inuitus & reluctans, propter uarias animi & corporis dotes pontifex creatur, atque Clemens secundus dicitur. Officio itaque assumpto, Henricum cum coniuge Agnete benedictione imperiali consecrauit, Augustum & Imperatorem inuictum pronunciauit & omnibus imperialibus ornamentis decorauit.